



21465

kat.komp.

III

Mag. St. Dr.

P

tus Ustiensis

*Biesiunowski Janisław for: Fons signatus in altissimo  
Sacrosanctae Trinitatis mysterio existens*

PANEG. et VITAE

Polon. Fol.

№ 916



Biblioteka Jagiellońska



stdr0002763



# FONS SIGNATVS,

In Altissimo Sacrosanctæ TRINITATIS mysterio existens,

A

*Clarissimo, & Admodum Reuerendo Domino,*

**D.M. ALBERTO  
PAPENKOWICZ VSTIENSE**

Collegâ Maiore, S. Theologiæ Sententiariorum, Ecclesiæ Collegiatæ S. FLORIANI Canonico, Cancellario Siradiensi, Contubernij STARINGIELIANI Prouisore, &c. &c.

D V M

In primo suo ad S. Theologiæ Sententiariorum accessu, Librū primū Magistri Sententiarum de Sanctissimâ TRINITATE inchoaturus, arduam de Processione diuinarū Personarū Quæstionem, in frequentissimâ Nobilissimorū hospitem coronâ, publicè in Archilyceo Theologico velendam exponeret,

R E S E R A T V S,

E T

A.M. STANISLAO, IOSEPHO BIEZANO-WSKI,  
Leopol. Philosophiæ in Almâ Vniuersitate Crac. DOCTORE,  
*honoris, & gratulationis ergo, officiosissimo plaudentis  
cytharæ obsequio.*

C E L E B R A T V S.

Anno Domini MDCLVIII. Die 6. Mensis Iunij.

C R A C O V I Æ.

Apud Viduam Lucæ Kupisz, S. R. M. Typogr.



# Clarissime, & Admodum Reuerende Domine,

## Sacræ Theologiæ Sententiarie.



**A**ltissimum Sacrosanctæ TRIADOS mysterium, ipsis etiam Sera-  
phicis mentibus tremendum, & inscrutabile; nec tam hymno, quam pro-  
fundi silentij veneratione decentè recolendum, dum ex Magistro Senten-  
tiarum in Archilycæ Theologico explanaturus arduam de Processione, diuinarū  
Personarum Quæstionem, iuxta laudabilem Sacræ Theologiæ Facultatis con-  
suetudinem, publicæ velitationi exponis, non indecorum tantum; sed etiam  
reprehensioni obnoxium Musa mea censuit, tantis Nobilissimæ Professionis  
Tuae auspicijs solenni Vatum obsequio non applaudere. Nam cum inau-  
dissimè diuinissimum hoc, vnius in Trinitate DEI, & abstrusissimum secretum, lucem habitans inac-  
cessibilem, in cuius circuitu nubes & caligo, excellenti ingenio, laboriq; Tuo commissum; subiretq;  
in mentem, sacrum illud beatarum mentium Trisagion, & viginti quatuor seniorum cum cytharis,  
& demissis coronis profundissima adoratio; æquissimum profectò iudicaui, nos quoq; infimos terræ  
vermiculos, nullam sanctissimi huius mysterij mentionem, sine deuotissimo mentis, orisq; Applausu  
transmittere debere Fons hic signatus, nemini vnquam, nisi cui ipsa Sanctissima TRINITAS vo-  
luerit, reueratus; nemini, nisi fortè sponsæ, Osculetur me osculo oris sui, clamanti, in osculo  
amoris (teste D. Bernardo) reuelatus, iuxta veterem, omnium sæculorum fontes coronare præci-  
pientium consuetudinem virentibus laudum corymbis debuit omninò coronari. At nec noua hæc in  
Sacræ Theologiæ facultate dignitatis Tuae accessio, locusq; tantus, quo nihil propius ad summos in  
Republicâ literariâ honores esse potest, quidquam aliud sibi, quam festos Cytharæ Applausus, expo-  
sere videbatur. Tanta quippè sunt cum Tua, tum maiorum quoq; Tuorum Clarissimorum, quos  
nobis Vstiense solum dedit, virorum, in Almam Matrem Nostram promerita, vt ea, publici elogij te-  
stimonio non decorare, piaculo proximum sit. Viuit adhuc Magni Patruī Tui, Perillustris Olim  
Domini IACOBI VSTIENSIS, S. Th. Doctoris, Præpositi S. FLORIANI, Viri de Re-  
publicâ literariâ optimè meriti, recentissima in pectoribus Nostris memoria, quem ROMA quidem  
Fortissimum Causæ Academicæ Propugnatorem; Thorunum verò ob scholasticæ Theologiæ excellen-  
tiam, Acerrimum Orthodoxæ fidei Defensorem; Academia deniq; nostra, primum Cursus Philoso-  
phici, Clarissimumq; Theologiæ iubar, Sceptrorumq; suorum decus eximium, non sine ingenti spe-  
ctauit solatio; cuius tu Sanctissimis vestigijs insists, viuam nobis exhibes in Te Magni Patruī  
Tui exemplar; quando post tot in BIALENSIS primū Collegij Academici Directoratu, ma-  
gnæq; Illustr. Ducum in ZBARAZ, & VISNIOVEC, Prosapiæ generosissimâ propagine  
Orbi Sarmatico efformata, post tot in Philosophico, Theologicoq; stadio exantlatos labores; post  
tot, apud summos Regni Proceres, quibus Carissimus seraper fuisti, pro bono communi suscepta,  
feliciterq; confecta negotia, virtuti, & eruditioni Tuae debitum, sublimiorem in Sacra Theolo-  
gicâ facultate conscendens gradum, nobilissimum die hodiernâ certaminis Theologici specimen  
exhibere voluisti, quod vt Tibi, ita & Almæ Matri Nostræ honorificum, Contubernio verò No-  
stro STARINGIELIANO non potest esse non gratissimum; quippè cuius Turudera,  
& lugubres Suecici furoris reliquias, curâ, & sollicitudine Paternâ Amantissimus ROXOLANÆ  
Palladis Prouisor, restituit; breui etiam, quod speramus, pastinum Florentissimi olim Contubernij  
statum, aureaq; musis STARINGIELIANIS sæcula, redditurus. Et hæc quidem spes  
nostra in sinu Tuo reposita est; in Te autem Clarissime, & Admodum Reuerende Domine, vt ex  
Fonte signato cœlestis benedictionis, & continuæ felicitatis torrens perpetuus defluat, votum nostrum  
est; quod Tu, vnâ cum Officioso cytharæ plaudentis obsequio, vt eâ, quæ inte-  
suauissima est, humanitate suscipere digneris, omni Tibi  
mecum supplicat Hippocrene.



# FONS SIGNATVS.

*Nemo nouit Filium, nisi Pater, neq; Patrem quis nouit, nisi Filius, aut cui Filius voluerit reuelare. Matth. 11.*

*Nec ipsi Angeli videre Te possunt sicuti es: nulli deniq; alij tota, nisi Tibi soli nota es, omnipotens Trinitas. D. Aug. in meditat. cap. 29.*

**A**bsiste Clio; Tunè rebellibus  
Ad vsq;e Sacras calicuum domos  
Volare pennis? insolenti  
Tunè humilem meditaris ausu  
Sublime vatem tollere in aetheris  
Iugum micantis? Tunè Sacerrimam  
Tentas abyssum claritatis,  
Ceruleum per inane ductis.  
Lustrare ocellis? cernis ut igneos  
Vultus Seraphim grande nitentium  
Velamen alarum recondat,  
Luminis ad iubar increati?  
Cernis trementum corda Quiritium,  
Intaminata militiae Duces,  
Fusis adorantes coronis?  
Icarij noua monstra casus  
Periculosus mitte volatibus  
Tentare; pennis ponè modum tuis;  
Mortale curarum grauamen  
Præcipites tibi frænet alas;  
At æstuanti, nectare Olympicæ  
Ardore quæris fors sapientia,  
Gustuque terrarum relicto  
Sola tibi sapit æuiterni  
Dulcedo fontis? fac age Craciæ  
Delubra Stoæ, Theologos subi  
Inter penates; veritatis  
Grande bonum referes latentis.  
Minore curâ, læta quid auream  
Frontem ferenas? iamque labelluis  
Gustare signatos pudicis  
De properas bona Cliô fontes?  
O quàm sapisti Musa! reconditum  
Fontis relinquens nectar Olympici,  
Fluenta P A P E N K O V I A N Æ  
Quando Tibi placuere suadæ.

Viden?



Viden? profundum quàm pelagus Sacrà  
Sulcet carinà? & PNEVMATIS à PATRE,  
NATOque procedentis, altum

Quàm facili referet secretum,  
Ternumque summi funiculum DEI,  
LOMBARDIANÆ Theologus Scholæ  
Ritu docendi! differentium

Oppositos prout arte nodos  
Solvat Magistrâ? nempe coloribus  
Relucet in Te ducta recentibus

Imago IACOBI VSTIENSIS;  
Vernat adhuc rediuius in Te  
Summus yireti flos Theologicj;  
In corde magni cor Patruï Tuo,  
Sapientique, cœlestesque pandit  
Eloquio graviore sensus,

QVSTIENSIS dulce decus soli!

Diuinioris gloria pagina,

Sacra PAPENKOVVI Cathedræ

Fax rutilans, Aquinique splendor!

Te Liliatis viderat altiùs.

BIALENSIS olim Musâ colonia

Vectum quadrigis; Te coruscis

Cynthia ZBARAZIANA flammis

Ambire visa est; Stoa Tibi suum

VLADSLAVIANI curriculum dedit

Illustre cursûs, inque Sacrum

Currere Te voluit cacumen,

Hoc calle, magnus quem Patruus Tibi

Calcauit ante, & passibus inclytis

Præiuit. hic ergo Cathedram

Quando gradus super altiorem

Teponet olim, propitijs eum

Nunc secunde votis, fonteque mystico

Arcana pande TRINITATIS,

Deque Tuo pretiosus ore

Sententiarum per Cathedras CRACI

Decurrit imber, qui sitientium,

Restinguat ardorem, Sacrisque

Dogmatibus pia corda poter.

Pro fonte, quo Tu torrida mentium

Rigabis, ingens Te Empyreæ manet

Fons claritatis, & coruscum

Theologo super axe nomen.

SOLI DEO HONOR. ET GLORIA.

BIBLIOTH. UNIV.



JAGELLONICAE







